

摛藻堂四庫全書薈要

集部

欽定四庫全書
薈要卷二萬五百四十三

集部

明詩綜卷七十

翰林院檢討朱彝尊編

錢允治 九首

允治初名府後以字行更字功父長洲人穀子

有少室先生集

靜志居詩話功父勤于
沒古詩篇特勝乃翁

題寒林鍾馗圖

千林木落歲欲更雪深雲黑啼鼯耗鬼爭出噉人食
南山老翁知姓名袖中三尺秋水清攝衣潛向林中行
一時妖孽屏跡盡喘息不敢低出聲只今如何復縱橫
盤踞津要如堅城那得老翁剗雙睛磔裂血肉藏鋗器
坐使天路平如衡郊原林木連理生麒麟鳳皇兆太平

春臺熙熙日月明

春暮治平寺

經年不到湖上寺今日偶停山下舟碧山老僧往何許

紫薇舍人碑尚留樹杪忽驚湖在眼山坳却喜墮當頭

藤花開徧竹迸笋惜別步步空含愁

茱萸灣

吳王濞運
鹽舊河

茱萸灣頭雨乍晴廣陵城北田方耕小艇出港白衣濕
高樓開窓玉腕橫細草漠漠天際遠一水漾漾船邊清
客來空舉舊時話岸上垂楊蟬忽鳴

同汪魯二將軍登寶山看海

地軸東虧接混茫空明何處是扶桑青山一點孤城黑

碧月半輪殘照黃橫海樓船天漠漠隔沙烟樹水蒼蒼
野夫却喜狼烽息醉飲將軍寶纛旁

送謝友可守順慶

五馬翩翩向益州三巴風景句中收天邊山色隨人轉
樹裏江聲繞郭流諭蜀有時還草檄籌邊無釁亦登樓
故交零落雙魚遠別酒殷勤勸不休

聞柳陳甫客塞上寄憶

一宿齋頭馬遂西秋風紫塞陣雲低黃鬚未學鮮卑語

丹竈誰封太乙泥此去可經藏甲鴟何時重過浣花溪

宵來明月殷勤照霜落軍城聽鼓鼙

喜汪伯耳自桂林歸見過

金雞未放詎言歸細雨衡門忽欵扉萬死可憐惟舌在一官寧論與心違藤江瘴癘人行少桂嶺風烟客住稀相見祗疑如夢裏濁醪不醉淚沾衣

寧夏兵變十韻次馬雲卿

要地鄰降帳戎心啓弄兵一時虧廟筭萬里壞長城股

削邊臣策艱難列較營自來愁債帥因此笑書生觀望
憂臣主安危係重輕變生元有兆事啓孰無名聲罪勞
天討知人荷聖明一夫懷憤發何日克期平紫塞消鳴
鏑彤庭罷請纓杞人東海上日日望澄清

楚江秋晚

揚帆指洞庭忽捩君山柁日出清霜稀秋江月方墮

周履靖一首

履靖字逸之嘉興人有梅墟雜稿

詩話逸之夫婦能詩門內唱和鈔撮尼門廣牘
刊行亦好事者流蓋先寒山趙凡夫偕隱者

江上竹枝詞

夜來春雨溢春田
江上蘿蕪遠接天
赤脚漁娃晨入市
柳條帶雨串銀鯿

游及遠四首

及遠字元封閩人有小竹林草

曉發九牧嶺

嘶馬促行役
出門星月稀
松風吹短鬢
竹露濕練衣
鑒

水秋容淨緣厓足力微鄉關今日盡愁對嶺雲飛

野鹿園雜詠

潭水瀾其清芙蓉亂紅影白鴈一聲秋蘆花明月冷

汝陽曉發

殘月挂高樹秋林生遠風淒涼千里色都入客心中

醉中辭竹軒宗侯

夜雨度花谿風花踏作泥惜花頻喚酒未得過城西

潘之恒

二首

之恒字景升歙人有金闇東游涉江諸集

聽錢二弟子馬生奏曲

鑾江侍女競雙聲半入吳城半越城總是西施歌舞地
江南何處不含情

春雨

流水浮香送畫船凌波何處不堪憐西來一片橫塘雨
淨洗花容分外妍

唐時升

十首

時升字叔達嘉定人有三易齋集

王辰玉云叔達五言古高

間遠淡以方儲韋不啻過之七言古步驟老杜乃專肖其神情五七言律出入王右丞劉隨州

間

詩話嘉定四先生詩文要當推叔達第一長衡

子柔且遜席矧孟陽乎百穀謂其放筆而成繹其辭乃追琢而出者由其欲伸孟陽故有意抑

之

爾

園中 四首

鬱鬱千尺松所憂斧與斫離離三寸草所患牛與羊聖賢逢濁世處身復何當高明畏摧折忠信虞毀傷禍福

誠無門天道寧有常幸逢小豐歲得飽無太康謹身以
節用暇則談先王為善實良圖敢謂有餘慶

鶴鳴在林樾山谷有遺音置之闔閭間三載如病瘡禽
鳥自有適人亦自有心嗟余實鄙夫翰墨非所任廢書
動旬月篇籍凝塵侵唯於場圃內時時發長吟澹如酌
玄酒鉗若調素琴為語二三子幽賞宜共尋

魯國有嫠婦太息有餘悲豈惟憂宗國我愛我園葵憶
昨三韓外六載懸王師太倉三百萬輦送滄海湄今聞

五將軍肆伐西南夷。孤兔戀窟穴。此豈關安危。傳聞中朝議。何當恤瘡痍。戎車久不駕。今且數驅馳。六軍百戰後。但恐中土疲。吾聞聖人言。佳兵不可為。

梅實須五春。橘實須六秋。人命須臾間。敢保數載謀。鄰叟笑謂余。君言何謬悠。苟非勤封植。白首見無由。因思包山麓。終日長夷猶。既無買山資。曷不營故丘。樹茲歲寒姿。散布林塘幽。繁英媚雪下。美實隨霜收。豈必黃髮期。會見蔭平疇。叮嚀語稚子。籬落須綱繆。

阮氏還居尉氏

阮公嘯詠處千載思其人白雲在天際窅窅不可親嗟哉大賢後風流尚未泯卜築丙舍旁臨眺蓬池濱瞻彼松栢古庇此棟桷新我有一尊酒助子霜露晨路遠莫致之眷眷含悲辛不知古戰場猶有劉項塵詠懷如有作寄我開心神

宿直塘

雨後稻梁好霜前魚蟹饒密藤全隱壁枯柳卧成橋樹

裏方為市籬間暗上潮田家秋作罷燈火各相邀

漁陽

住久漁陽郡朝朝望白檀朔雲秋色早邊月夕光寒館
伴能番語降軍學漢冠人傳魏武帝於此破烏丸

薛侍御出按貴州便道歸雲南省覲

繡衣持節出長安南入牂牁路萬盤重箐濕雲常欲雨
點蒼晴雪不知寒登車自埽豺狼跡遇客爭彈獮鷹冠
遙憶樹頭新酒熟刺桐花下正承懽

田家即事

橫塘潮急進船遲
菱荇纏綿胥釣絲
荷葉覆魚先入市
青楓渡口曬鷺鷗

舟中即事

風卷黃河兩岸沙
中流艇子一時斜
故園柳絮應飛盡
河北行人見雪花

婁堅五首

堅字子柔嘉定人貢生有吳歛小草

詩話練川三老
子柔古風獨勝

祁之柳二章分寄君實伯隅

祁之柳其葉油油自我送子于祁之洲佇立望之莫知
我愁豈不能言以寫綢繆我言斯永我心則憂乃如之
人洵美且修我之所臧人以為尤

祁之柳其葉爛爛自我送子于祁之畔佇立望之莫知
我怨豈不能言以寫嘵歎我言之長我心則亂乃如之
人洵美且燦人之所榮子以為患

巢湖

巢湖雖云險曠焉豁心胸于時雪初霽山高玉龍從衆
山亦邇迤拱揖相為容風帆頃刻過我目不得窮但見
連檣來橫亘若垣墉忽憶草昧初義師起從戎至今廖
與俞廟食崇元功奈何濡須塢紛紛鬪梟雖非無爪牙
士所攀非真龍信知聖人作萬象開晦蒙

登虎丘寺閣

茲山寶蒼蔚能使流目迷高閣出樹頭連峰亘其西平

生山中客今來始攀躋浮圖勢更高登之憚層梯聊此
窓間眺已覺飛鳥低平疇帶曲水遙見來時蹊高下各
有適物理將無齊

答辰玉

憂來信無方奈何不自遣本無當世志食貧自愧勉生
人重嗣續吾後乃連蹇回思造物然有淚不令泣子意
吾能知浮雲有舒卷不然憂蒼生痛憤在儇淺我聞同
心人出處多異撰

程嘉燧 八首

嘉燧字孟陽休寧布衣僑居嘉定有松圓浪淘

集

詩話孟陽格調卑卑才庸氣弱近體多于古風
七律多于五律如此伎倆令三家邨夫子誦百
翻免困冊即優為之奚必讀書破萬卷乎無識
之徒深邈何李王李流派乃于明三百年中特
尊之為詩老六朝人語云欲持荷作柱荷弱不
勝梁欲持荷作鏡荷暗本無光得毋類是與姑
就其集中稍成
章者錄得八首

平望阻風

驛路連吳近鄉音帶越稀寒流捎宿舸夕浪急風扉旁
市求魚入鄰舟得酒歸微微掩明燭伏枕念無衣

送叔達之錢唐

夜雨維舟數秋風解袂輕相逢留客住同作送君行月
色湖中寺潮聲江上城知君游賞處相念若為情

四明徐匯陽莊太峰余泰靈秋盡先後別歸送行
相逢多別酒歸路欲何之江水曹娥廟湖山賀監祠鄉
愁兼雨重旅望入秋悲儻憶江東倡論文復幾時

七夕懷平仲揚州

江邊一別兩悠悠湖上相思且滯留千里星河同此夜
廿橋明月自三秋無由結伴還鄉國況欲因人作遠遊
潦倒更于何地會見君空已雪盈頭

送徐女廉之無錫

黃姑灣頭梅乍香黃婆墩邊柳漸長但看音信連三月
誰道風烟不兩鄉

雨中過伎家飲書贈陳翠

紅樓細雨燕飛斜玉面珠簾相映遮三月江南春色盡

却行江北見梅花

憶金陵

青門楊柳白門烏秋雨秋陰舊酒壚何處靡蕪最相憶
繅絲風雨暗西湖

崑山響梵閣懷季常上人遊九峰

袈裟相伴踏清秋健即閒行嬾即休記得罷琴吹笛夜

雨中茅屋小如舟

吳夢暘三首

夢暘字允兆歸安人有射堂詩鈔

詩話或謚嘉定程孟陽曰松圓詩老謂能照見古人心髓若親炙古人而得其指授歎為古未有新安閔景賢輯明布衣詩推歸安吳允兆為中興布衣之冠是皆阿其所好不顧春秋之公是公非以余觀二子之作以政則魯衛以風則曹檜陳詩者不廢斯幸矣

送張去華走哭汝陽王肩昌宮庶

君不見南州孺子辟不起一朝徒步走千里英雄但可輕浮名那可無心報知已張郎心事亦復然絮酒持將

哭泉裏自言不受他人知惟有汝陽王庶子出門滿路
吹疾藜眼底誰為此人死更將肝膽何處明一片悲風
咽汝水

送胡孟攷邑博之沅江

擣手情無極茫茫此別何一官猶俎豆滿地已干戈畏
路身難定騷人怨自多可堪寥落思木葉洞庭波

秋草

八月幽并百草黃還聞一曲奏清商關河今夜皆寒色

陵寢前朝但夕陽久客自然迷道路後時能不畏風霜
吳兒莫說漂零易未到邊頭古戰場

謝兆申 一首

兆申字耳伯邵武人有謝耳伯全集

詩話晉江黃監丞明立序耳伯集稱其喜交異人購異書摭異聞自墳典丘索經緯流略稗官璣語靡不甄錄交游既廣橐中裝半以佞佛半以市書有三十乘留僧舍已散佚予嘗入閩購其手鈔張伯雨詩與世所傳者迥別惜乎三十乘者悉蕩為烟塵矣耳伯詩非不銳意法古奈其辭鬱而不舒蓋耳伯踰嶺游吳首以詩文請業于劉子威未免問道于盲宜其所就止此學

者擇師誠不
可不慎爾

別意

我行且登舟子莫徒離憂眷眷戀我側去去難久留歎
息成參辰愁思不可抽丈夫在四海譬彼水浮舟聚散
無定期感子叙綢繆

王野三首

野字太古歙人有覺非齋詩饗餘橐

雨雪曲

大漠雪漫漫天風入箭瘢平明沒馬足半夜折旌竿聲
鼙鼓鼙暗光添劍戟寒鐵衣三十萬誰不憶長安

寄叔祖仲房

燕趙歸來二十春重遊吳楚白頭新如今海內無知已
到處江山哭故人

征夫怨

黃雲白草沒燕山百戰空存兩鬢斑試問征夫三十萬
幾人生入玉門關

范 内 十三首

內字東生烏程人有范東生集

吳凝父云東生苦吟收視反聽

馳情結思不傍古不緣今一字未安寸心幾嘔
蓋神于法者

姚園客云范東生詩如楊柳當

風嫋嫋有態

韓子蓬云東生論詩不可一世

意所不協張颺怒目詢詬詎諱及其苦吟收視

反聽思極窅冥多

清微簡遠之句

詩話東生詩才嫋雅如靈犀結佩可以

辟塵方之孟陽允兆諸君覺尤騰拔

采蓮女

采蓮女采蓮涉溪水寧采田田葉采葉蓮有蕊莫采亭

亭花采花蓮無子

簡鄧遠游

日日何所待旁人應見猜油然碧草外獨上姑蘓臺西
子邈已去東風空自來茸茸桃李樹為問幾枝開

琴川夜泊懷孫齊之

野宿次鳬鷺青青荻筍齊潮痕隨月落山勢壓城低殘
夢風前柝歸心曙後雞還知高隱處只隔水東西

荆南送姚百雉還莆中

自蜀經三楚由吳下七閩到家君有日泥殺滯留人

盱江對月

新月出江干郵亭獨倚闌別家如昨日二十一回看

閨宮詞

二首

露華如水蘸宮牆紅豆花兼荔子香多少蛾眉閒待月
九龍帳底貯歸郎

四條絃上按新聲半是先皇手教成舊事內人誰敢洩

春來燕子不呼名

送一公還天界寺

江流汨汨樹層層
短笠空飄去秣陵
依舊青山風雪裏
草門深掩一龕燈

荆溪

亂水聲中繫艇斜
月寒沽酒叩誰家
仙源咫尺不知處
紅葉吹來如落花

春日訊吳允兆

遠樹微波黯不分
閨間城畔寄孤雲
春來儘有還鄉夢
不

除却青山便是君

仲冬

仲冬之交氣不齊桃花李花開滿溪行人認是二三月
祇少黃鸝枝上啼

遇俞獻父

與汝垂髫共里間別來不省六年餘情知一見又成別
猶勝逢人數寄書

松陵舟中遲錢太史

幾家閒夜停機杼
支枕蓬窓風許許
吹盡蘋香不見人

繞塘寒月鷄鶴語

吳鼎芳 三首

鼎芳字凝父吳縣人後為僧名大香字唵嚧居

烏程之霞幕山與范汭交有披襟唱和集

韓子
遽云

東生苔產而僑寓吳門凝父吳人而栖禪苔上
東生好浮大白高談雄辯凝父丰神蘊藉恬淡

寡言其蹤跡雖

殊而論詩相若

靈峰山房夜起

寥寥青蓮宇起步夜方永蟲鳴四山秋鹿飲一潭靜圓
月當碧空孤塔立無影花落樹猶香竹深澗亦冷少焉
雲英散明星上高嶺

雨渡橫涇懷孫惟化

東風作冷石湖船節屆清明倍可憐一日客程偏遇雨
幾家茅屋不生烟野田水綠迷楊柳古廟花深出杜鵑
寂寞橫塘人去後吳姬歌舞自年年

北菴夜歸

欲暝未暝聞菴鐘出林入林辭遠公亂峰幾點白雲外
古路一條黃葉中版屋已高隔水月布帆正飽還山風
孤雛老樹自深夜離緼突兀柴門東

吳兆十一首

兆字非熊休寧人有金陵廣陵姑蘓豫章諸豪

曹能始云非熊古詩學謝靈運沿及盧駱近體學岑嘉州字句少實姚園客云吳非熊詩如

清發夜嘯

斷續淒人

詩話非熊清而能麗綺而不靡

最見賞于石倉其風調亦相儻

阻風湖口登石鍾山作寄白下知已

川長已積勞風阻漸成疚離舟步少舒登山脰可引峰
垂似倒蓮石起如抽笋匯澤蕩無際尋江眺不盡烟含
楚岫微風送吳舠緊枝響山鳥聚葉密巖花隕渺渺春
目傷悄悄旅懷愍攘攘既獲譏栖栖亦負哂巖穴有遺
志寄我同心允

秋野間行歸而有作

早穀已登場晚禾尚栖畝欣欣足慰饑望望非吾有莊

冉十年間蹉跎東西走結交吳楚士氣味少淳厚徒令
田園荒轉與琴書負歸來掩荆扉趨向寡親友日月忽
已除秋氣凋榆柳卒歲何寥寥涼風吹戶牖念往固已
遷嗟今將何守勗哉黔婁言斯志儻不苟

錄別

行舟櫂已駕斯須不相保弱子纔一齡就我懷中抱念
此傷人心皇皇何足道如何故鄉生不向故鄉老

春游曲

細雨濕春泥流鶯幾樹啼東風淮水曲落日長干西夾道看馳馬圍場下鬪雞倡樓今夜醉月出管絃齊

西湖子夜歌

新著杏紅衫試騎赭白馬馬騎堤路窄急為扶儂下

寄林古度

一與西湖別春風兩度來曾栖山寺裏日日待花開

登釣龍臺

秋色延高臺臺荒廟亦冷兩三樵牧兒投石試深井

姑蘓曲

寶帶橋邊鵲啄花金闇門外柳藏鴉吳姬卷幔看花笑

十日春晴不在家

暮春溪居

門前梧柳長新圍雨暗空林客到稀幾欲持竿溪上去
灘頭昨夜沒漁磯

秋思

蒹葭霜冷鴈初還歸夢如雲只戀山一夜潺湲西澗雨

夜來秋氣滿人間

送友人游燕

離筵別櫂暮江濱
紅樹青山映白蘋
一過江南風景異
兩行衰柳送行人

沈野四首

野字從先吳縣人有卧雪閉戶燃枝榕城諸集

詩話從先賣藥吳門曹能始賞其詩延致石倉園題所居之室曰吳客軒寒食絕句云驚心芳草上河橋雨後推窓見柳條厨下從來烟火少不知寒食是今朝最為詩人傳誦按孟雲卿云

貧居往往無烟火不獨明朝為子推伍唐珪云
慙媿四鄰教斷火不知厨裏久無烟則前人久

已道之矣其樂府能

盤硬語

頗饒古意

短歌行

推絃拂柱歌我浩曲浩曲未歌腸中躑躅河中有船不
載客還尊中有酒不令客歡世人結交安得常好他鄉
寄食安得常飽士貧者賤客久者貧不如歸去偕我故

人

子夜歌

門有車馬客
姊妹易衣裳
儂有好顏色
那在紅粉妝

團扇郎

皎皎合歡扇
郎持贈所歡
本欲圖親近
翻掩桃花顏

邊詞

塞上風高獵馬稀
天山六月雪花飛
閨人不解征人苦
直到隆冬始寄衣

石 沆

一首

沆字瀘仲如皋人有白雲居士集

江門

何處春偏勝江門自好風酒旗斜路口花信短牆東多病一居士了鬟雙小童題詩嵩雒去可是白家翁

秦鎬一首

鎬字京汝南諸生有頭責齋詩

詩話袁小修序頭責齊詩有云今人字皆兩字而京字獨一字自東漢以下無之矣然自漢以降如顏之推字介李曇字雲劉乾字天羅靖字禮房玄齡字喬顏師古字籀張巡字巡孫晟字鳳李條徐倫字堅毛欽字傑正難悉數也

得顧朗生書

憶別如今日風霜歲五除亂雲長短夢斷鴈有無書江
暖漁揚子原荒獵孟諸相看衣帶隔獨立野躋躇

米雲卿 五首

雲卿字君夢湖廣人或云汴人徙家蘭溪後徙
居歸安之埭山

詩話君夢晚寓吳興往來無定跡其撥悶詩云
十年湖上社雙屐泖東山有子癡難教無家老
不還後卒于埭山之枯木菴

詠荆卿

荆卿本神勇意遠度亦別酣飲燕市中歌哭以為節何期燕太子鑿折來相結禮殊報應重義感心遂熱紅爐淬匕首繻縷試人血秦庭計不諧易水無留轍天命不可為劍術何巧拙

歲暮江行

江海迷津日冰霜卒歲時天昏歸鳥急川霽落帆遲故國書空返窮塗道益卑坐來風雪變愁白鬢邊絲

濱水移家

移家東郭十年前東郭移家又十年忍割烟蘿還地主
笑驅雞犬下江船鵠鷁原上風偏急鳥鵠枝頭月正圓
臨發不禁回首望并州桑梓自堪憐

秋柳

二首

搖落天涯正此時蕭疎多見路旁枝一朝染露全無色
何處含烟尚有絲漢苑也應隨日短隋堤難道入秋遲
陰陰滿眼河山暮愁絕那堪帶雨垂

一夜西風那便凋他鄉
何處不蕭蕭依稀有葉還無葉
搖落長條復短條
難忘折來情脉脉
更愁看去路迢迢
經過若問傷心地
涼雨寒烟鎖灞橋

徐允祿一首

允祿字汝廉蘇州嘉定學生有思勉齋詩編

詩話汝廉抗言持論具有
經世之術詩則非其所長

贈丁長孺中翰北上

浮雲滿天地君子意何如
容容不可為矯矯亦多虞
長

路自此始願言遵康衢安得執鞭弭從子以前驅

商家梅一首

家梅字孟和閩縣人

得家書

忽見平安字封題是老親自驚為客久不敢述家貧松
菊縱多故路塗惟一身臨風應不盡還問寄書人

宋玉一首

珏字比玉莆田人國子監生有遺橐

泊皖城三日懷白下故人

城依碎石岸依沙行遍城南乏酒家日暮客愁如白下
荻花風起似楊花

徐 勳十二首

勳初字惟起更字興公閩縣人有鼇峰集

南損齋云

興公聚書至數萬卷所居鼇峰麓容從竹間入環堵蕭然而牙籤四圍縹緲之富卿侯不能敵

也其考據精覈詩自樂府

歌行及近體無所不備

詩話嚴儀卿論詩謂詩有別才非關學也其言似是而實非不學牆面焉能作詩自公安竟陵

派行空疎者得以藉口果爾則少陵何苦讀書
破萬卷乎興公藏書甚富近已散佚予嘗見其
遺籍大半點墨施鉛或題其端或跋其尾好學
若是故其詩典雅清穩屏去拘浮淺俚之習與
惟和足稱二難以此知興觀羣怨必學者而後
工今有稱詩者間以七略四部茫然如墮雲霧
顧好坐壇坫說詩
其亦不自量矣

感秋

朝出北邙山夜歸北邙路北邙草芊芊纍纍總丘墓傷
哉九泉人一去無回顧往者既如斯來者復如故知愚
雖異類蘊骨只數步貧賤何足悲富貴何足慕寄語賢

哲士令名自當務

投宿山家

清流抱孤村秋意澹林木水急衝板橋山空響飛瀑殘葉水邊黃危峰天際綠日暮何處歸人烟在修竹

送黃伯寵之秣陵

我從白門歸君從白門去去轍與歸輪相逢不相聚窮冬百卉腓遊子遵長路黯黯鍾山雲蕭蕭秣陵樹峨峨石頭城渺渺秦淮渡千里涉風波孤身犯霜露送子感

皆游勝事今成故離情不可緩慎毋乖尺素

送人臨邊

征馬嘶長路西山日欲斜送君臨絕域萬里盡風沙朔氣摧秋草邊霜慘暮笳懸知榆塞上定憶故園花

宿界亭驛

兩月歌行役奔馳倦不勝澗多民病涉山疊客愁登百草嚴霜殺孤亭驟雨崩五溪蠻地近明發到沅陵

驛樓送惟和兄北遊

夜靜江空欲上潮
榜人催喚解蘭橈
離腸禁得幾回斷
別夢不辭千里遙
沙起交河陰漠漠
風吹易水冷蕭蕭
關山迢遞何時盡
此是他鄉第一宵

送康元龍之靈武

黃河官路黑山程
羌笛橫吹漢月明
漠北烽烟三里寨
隴西鼙鼓十年兵
燕鴻度塞寒無影
代馬行沙暗有聲
後夜思君勞遠夢
朔風吹過白登城

送沈廣文擢德清令

新懸墨綬謝青檀仙令栽花向雪川處處勸耕黃稻雨
邨邨收繭綠桑烟官清但飲雙溪水吏散閒尋半月泉
莫戀彈琴寬賦稅司農方急水衡錢

樵夫祠

十萬王師盡倒戈秣陵非復漢山河一時總逐新纓冕
何處能容舊斧柯莫考姓名垂竹帛空留靈爽在烟蘿
荒祠近對秦淮水誰與招魂賦九歌

宮人斜

空山冥漠夜沉沉多少芳魂不可尋莫怨埋香在黃土

長門深比墓門深

田園雜興

春流一夜水平堤菱葉縱橫荇帶齊分付兒童須愛惜
莫驅鵝鴨浴前溪

寄家兄書

年荒八口苦饑寒門戶支持事事難藥債未還官稅迫

封題空自報平安

汪逸二首

逸字遺民休寧人有逋屋吟

詩話遺民與馬時良仲良倡和里人目為華屋詩老

蘧公池上

園經一雨再雨水接西郊北邙牧子驅牛避道僧雛讓
鶴膺門

丹陽道中別芳生

風過重陽易作寒去來俱泊此河干無端別路舟車異

一日楓林不共看

徐應雷

一首

應雷字聲遠吳縣人有白毫集

丁長孺云聲遠詩本自然以率

真見

平澹

寄陸純孫

神魚樂深淵奚必易水尋威鳳集高岡奚必燕山岑登
臺眺大江蒼蒼楓樹林眷言懷吾友忼慨為悲吟鴻鴈
日南飛助我厲商音悲哉歲將晏况此天涯心

董斯張十二首

斯張字遐周烏程人國子監生有靜嘯齋集人韓

穀云先生泛覽百家窮二氏伐山網海洵不
世之才詩與年力相長不以風雨輟其音難與

吳喉楚舌

同年而語

詩話遐周初學詩于趙廣業及入閩心折曹能
始歸與吳允兆王亦房酬和是時公安景陵派
盛行浙西風氣不盡移易遐周洽聞周見與吾
郡沈景倩略同詩亦相似嘗以所作投前守吳
季騷季騷寓書韓求仲云在郡兩年不識有董
生吳興守眼可抉也近得渠見贈詩如飛天仙

人不著一烟火
字其傾倒若是

補昭人歌

人而無禮兮良足歎不見山中之狃狃口可以食亦可以言

讀曲歌 二首

儂如一絃琴獨絲纏相交歡如雙耳鼓慮為他人搖
十日不窺牖後園花發齊薔薇刺儂衣蝶蝶投儂懷

過桐江

薄暮擢歌聲看山不計程江晴船作市地僻縣無城蜃

氣連虹暗龍腥雜霧生釣臺猶可望緩楫未須行

旅宿

亂山行未盡落照一溪斜畏客前峰虎投人暝樹鴉已
知魚罷市數問酒誰家計日新安路應餐白岳霞

山中偶作

秋草長于人小鳥時出入但聞樵者歌不見行人跡

夜泛西湖

放櫂西湖月滿衣千山暈碧秋烟微二更水鳥不知宿

還向望湖亭上飛

梅谿

雲似魚鱗壓市低竹簰載筍出梅谿逢人閒問崑山路
葛嶺西頭更向西

葛鴻作

二首

筍鞭橫出欲穿籬松子纔生鼠不知細雨一林山鬼語
白鷗浴起葛公池

鴉銜朱柿墜秋坡竹筍疏泉帶碧莎野菊滿頭山下女

也能學唱采茶花

吳門道中

柳花片片拂船窓
雪點湖田路
鷺幾雙數到明朝
寒食夜半蓬殘照過吳江

初夏

楊柳陰濃曳碧烟
一溪不雨不晴天
水樓處處凭紅袖

吳下新來茉莉船

王

醇二首

醇字先民揚州人

書事

狼烟夜照大安戍
廣騎夜縛將軍去
駿馬駝金曉贖歸
正陽門底捷書飛

題馬湘蘭畫蘭

水綃宛是湘江曲
寒映秋芳數枝玉
能使湘靈愴別魂
瑤瑟泠泠怨秋綠

何允泓

四首

允泓字孝穆常熟縣學生

詩話孝穆詩頗

欽峩不沿時習

讀岳忠武傳

二首

傳張不得終經制

傳亮
張所

韓岳何勞更枕戈載主空傳之

建業建炎間時幸平江建

康亦載木主以行

行宮漸侈似宣和班朝清海

成三恪金每朝會以天水郡侯

遼天祚劉豫為一行

振旅朱仙泣兩河惆悵

一生匡國計止餘遺草泣孫珂

戰血橫吞直指燕秦垣心腹浸方纏將軍河上空爭地

丞相閨中善格天

檜誅公用王夫人策格

蚤有雕兒貪

厚餌

軍中呼王貴為雕兒

尚期龍府醉諸賢張秦總是明經客何

但書生拜馬前

讀元遺山集

滄海橫流著此身中原天日照累臣明昌大定三生夢
欽叔希顏一代人野史亭中遺汗簡讀書山下起埃塵
幽蘭灰燼今何在千載空餘老角巾

讀張光弼集

畫省無心久握蘭西湖花月一叢殘共傳軍府題詩客
肯作吳藩入幕官楊柳花時頻縱酒牡丹開後獨凭闌
最閒園裏徵歌處江左三人管幼安

薛岡三首

岡字千仞鄞人有天爵堂集黃心甫云千仞篇中多用恒言讀之
不厭由其氣老李果堂云千仞年八十集其平生元旦除夕詩為一卷起萬曆庚辰至崇禎庚辰身為太平詞客六十
年名重天下亦盛事也

彭城冠二首

幸作六帝民賢聖歷在宥身老桑柘間不知有格鬪戈
戟何忽焉一朝易俎豆郡盜既蠭起朝廷重介胄欲以
殺止殺血流汚宇宙借問宇宙中何民弗從寇民志如
奔湍撫我斯共后乃信吏政苛不在猛虎後堂上鮮蒲
鞭溝邊餘老幼何況臨刀俎提兵肯相救

髦齡苦行役况丁金革中艱難費輪楫弔古躋雲龍賊
至自淮南所過州里空頓兵桃山下意在窺二東洪河
不得濟賊計良已窮一旅儻躡後殲殪微遺蹤乃計不

此出妖蛟縱故宮清夜坐岑樓浩浩聞北風南山助烈火天地為之紅國家養貔貅恃以戢狂鋒狂鋒不能戢其誰怒乃躬無庸姦宄患所患求英雄道路有萬目看叙賊退功

華清宮

繡嶺出烟邨宸游跡尚存離宮何處是流水至今溫輦路年深廢峰巒幸後尊空餘一片月猶似照朱門

顧同應 一首

同應字仲從崑山人庶子紹芳之子承蔭入國

子監有藥房秋嘯二集

王平仲云仲從詩辭澹意遠有白雲自出山泉

冷然之致

秋塞曲

寒星散落角聲哀紫塞秋高鴈字迴昨夜軍前占殺氣
羽書飛過赫連臺

唐汝詢

二首

汝詢字仲言松江華亭人有編蓬集

詩話詩人形累者孫伯融跛偶武孟張節之謝
茂秦眇祝希哲枝指何仲默禿筭其他不可悉
數至唐仲言無目李公起口啞耳聾兩
君乃能勤于箋述不廢吟咏是難能也

夜別陸長倩

悵別高樓酒易醒坐聞落葉滿沙汀春來儻憶同游地
無限垂楊夢裏青

留別沈茂之

風雅翩翩自不羣榮華入目總浮雲江湖此去無知己
蚤晚移家欲就君

李 埞 一 首

峻字公起鄞人有盟鷗集

詩話公起御史尚默之子生而耳聾十齡聞父
訃號哭五晝夜遂瘡嘗發先世遺書縱觀之上
自國家典故名公鉅卿前言往行下及器物之
微靡不譜其本末侯官曹能始合華亭唐仲言
作二異人傳一以耳治一以目治咸不惑于公
安景陵之說世之號為詩家者反不如瘡聾之
指麾

山陰晚泊

落日山陰道孤舟帶遠汀秋林紅葉重夕浦黑風腥客

夢碪前斷漁歌鏡裏聽來朝餘興在何處訪蘭亭

明詩綜卷七十

總校官庶吉士臣張能照
校對官檢討臣蕭九成

謄錄監生臣朱文佐

欽定四庫全書會要

集部

明詩綜卷七十二

詳校官編修臣汪鏞



欽定四庫全書
明詩綜卷二萬五百四十四 集部

明詩綜卷七十一

翰林院檢討朱彝尊編

震孟

二首

震孟字文起長洲人天啓壬戌賜進士第一授

翰林修撰以言事鐫級崇禎初復原官歷中允

諭德掌司經局右春坊進少詹事以禮部左侍

郎兼東閣大學士卒謚文肅有药圃詩橐

陳皇士云

文公詩不多作然
不失臺閣氣象

靜志居詩話文氏自溫州守以來累葉風流儒雅為士林所推相國晚達早歸崇禎五十輔臣骨鯁稱首烏衣子姓名節相繼不媿清門是難能也詩頗平縟擬古一章纏綿婉約庶幾屈宋

唐景之

遺音乎

擬古遠行

江之陽兮有嶼江之陰兮有渚朝而風兮夕而雨望夫君兮渺何許春波兮悠悠日暮兮々猶攀青桂兮為櫂舉木蘭兮為舟悅含思兮凝睇乘清風兮遠游遠游兮

上下載行兮載舍遵中流兮待君將寄心于遠者

夏日園林

境乃同搖落人猶是勝流即今便高卧未擬賦窮愁家
傍要離家門迎范蠡舟孤蹤安可定浩蕩五湖遊

陳仁錫 一首

仁錫字明卿長洲人天啓壬戌賜進士第三授
編修累遷南國子祭酒追謚文莊有無夢園集

詩話吳中甲第之盛前數嘉靖壬戌申文定王
文肅同郡人後則天啓壬戌文文肅陳文莊同

縣人兩公皆老子公車晚始登第而文莊為先文恪萬歷丁酉所拔士至壬戌復為先公所錄及殿試則先公又充讀卷官蓋三試皆出先公之門亦異事矣文莊以不肯撰魏璫鐵券文落職可謂不負科名詩非所務一齋染指未為不知味也

中秋

月華冷于霜水白已成路宿鳥靜不鳴羽毛紛可數

蔣德璟 一首

德璟字若椰晉江人天啓壬戌進士改庶吉士授編修歷侍講諭德庶子掌司經局累官太子

少保禮部尚書文淵閣大學士有敬日草

詩話八公敏于掌故典禮治歷條奏詳明使其
黼黻太平亦稱賢相惜乎未究其才或傳公否

金而死尚

俟考實

至廣州聞黎捷志喜

重開幕府試凋戈七哨功成獻凱歌借問凌烟誰第一

漢家劍履賜蕭何

方逢年二首

逢年字書田遂安人天啓壬戌進士改庶吉士

除編修累官禮部尚書東閣大學士有雪滌齋

集

越來溪

層臺築五年高見三百里如何越兵來不知渡溪水

乳洞口水碓

陟阿采玉芝浮澗拾瑤草野碓竟日春誰識是龍腦

馮元麟一首

元麟字爾毅慈溪人天啓壬戌進士知澄海揭

陽二縣入為戶科給事中歷官兵部尚書

首善書院感舊作

維貞皇帝神授符詔出明光徵大儒有臣元標首應詔
誰並進者臣從吾一時諸儒相繼入王道蕩蕩民所趨
貞皇雖逝嗣皇少譬之日出時未晡諸儒謂可睹上治
力崇正學開榛蕪請為天子建書院揭以首善天之衢
漢唐宋代何足數升堂入室泗與洙當使亂臣賊子懼
如陸有軌水有桴豈無鴈鼎相錯列能由是路亦吾徒

越歲壬戌策進士臣颺蒙與諸臣俱二十為學志方壯
晨起盥漱遵修塗少焉諸儒次第入鳴鐘擊鼓聲鏜于
衣冠肅對寂未語森若披古賢聖圖儒者寧盡闇世務
憂天往往多訏謨乃知名教自足樂照耀萬古焉可訏
彼譖人者亦太甚曰宋之敗由程朱封疆在今多事日
襄衣博帶何其迂輔臣向高為此懼手自陳疏伏青蒲
誰為此言告陛下當付之吏法當誅天子寬仁置勿問
忍見白日舞妖狐嗚呼諸儒死不恨宣尼栗主誠何辜

乙丙之際不可說故老欲哭徒嗟吁丁卯八月聖人出
讒者慄慄憂頭顱臣廳再入問書院門外細草翔啼鳥
聖人豈不重經術時危未暇陳蒼瑚竊見京師富梵室
口語以唄拜以膜亦有高閣祀天主譚兵治歷喧齧壺
獨使書院屏勿事臣廳敢復惜微軀卿雲縵縵天子都
諸儒靈爽應未徂大道經天終有孚幸甚為念臣區區

孫耳伯云京師首善之地琳宮梵宇鴟吻相望獨無學
者敬業樂羣之地往時羅文恭徐文貞講學率借僧舍
誠大闕事也天啓二年御史臺諸公構書院一所于宣
武門內東牆下南皋少墟兩先生朝退公餘不通賓客

不赴宴會輒入書院講學一時士風為之少變未幾逆璫用事郭允厚朱童蒙輩相繼論劾以講學為門戶及楊忠烈劾魏忠賢疏上黨禍大作善類一空而御史倪文煥遂奏請毀書院棄先師木主于路左左壁有記為葉公向高文董公其昌書並碎焉書院既毀逆璫乃建矣

詩話萬曆二十九年二月庚午朔天津河御用監少監馬堂進大西洋利瑪竇所貢土物時先太傅文恪公掌禮部尚書事疏言會典止有西洋瑣里國而無大西洋其真偽不可知又寄住二十年方行進貢與遠方慕義獻琛者不同且所貢天主天主母圖既屬不經而行李中有神仙骨夫既稱神仙自能翀舉安得遺骨此韓愈所云凶穢之餘不宜令入宮禁者也乞速勒歸國勿許潛居兩京與內監交往以致別生支節眩惑愚民疏進不報後其徒湯若望以其國中

歷法證大統之差徐宮保光啓篤信之會大時
雍坊所建首善書院鄒忠介馮恭定講學之所
董其役者周忠毅宗建呂工部克孝時先大父
楚雄知府以任于除都察院照磨竹頭木屑實
司其勞書院成葉文忠撰記董文敏書之先大
父業遷官故未書名于石也兩公講學事在天
啓二年既而御史倪文煥等詆為偽學疏畧曰
聚不三不四之人說不痛不癢之話作不深不
淺之揖噏不冷不熱之餅是年碎其碑暴之門
外毀先聖栗主焚經籍于堂中崇禎初文煥伏
法院僅存宮保率若望等偕院修厯署曰厯局
久之西洋人踞其中更為天主堂至今不改矣

馮公是詩

毋忝詩史

一首

倪嘉善

嘉善字迪之桐城人天啓壬戌進士改庶吉士

授檢討遷司業歷中允諭德有媚筆泉集

詩話崇禎己巳帝幸太學賜倪公坐講周易泰
卦又嘗侍經筵講論語益者三友帝問孰為益
孰為損對曰天子尚友在法堯舜而已帝為改

容公

太僕卿贈工部侍郎

應眷之子

太僕天啓

中請留楊左

尋削籍者也

九日

牢落家居久頻逢令節過秋聲聞鴈少霜意入林多幽
思驚時換山游奈雨何韋生高卧穩黃菊許誰歌

張有譽

一首

有譽字誰譽江陰人中萬歷己未會試天啓壬
戌賜進士出身除南京戶部主事累官戶部尚
書加太子太保晚為僧居蘇州之靈巖

俞無殊移居光福山同顧茂倫樵水訪之不值留

贈

一逕逶迤入升階眼膜開當窓羅洞壑平地儼樓臺山
翠侵簷落花香拂案來扁舟同訪戴興盡尚徘徊

倪嘉慶 二首

嘉慶字篤之江寧人天啓壬戌進士除戶部主事歷戶科給事中晚為僧名函潛又更名大然有靈潭集

詩話倪公治賦之才崇禎戊辰在樞部上言國計入不敷出歲額缺至二百三十餘萬何以支持其言瞭若指掌假令思陵此時聽公之言綢繆區畫則後此雖有水旱寇賊尚可緩于危亡而惜乎不見納也既而兵科給事中劉徽疏請裁驛遞有旨裁十之三省郵傳銀六十萬公獨昌言曰驛遞之設貧民不能自食者賴之裁之太過將挺而走險此盜生之源也俄而李自成

果以驛卒被裁走入高迎祥隊中後
遂以亡明朝野咸服公計慮之遠云

獄中九日寄友

禁折方嚴晝掩扉登高作賦苦相違更無叢菊開離落
只有飛霜上客衣九月吟蟲猶野泣五年征鴈失南歸
山頭廷尉遙相望緊繫萸囊送夕暉

驟雨

雨驟泉聲急雲涼樹色濃不知何處寺忽送一聲鐘

王錫袞

二首

錫袞字龍藻雲南右衛人天啓壬戌進士改庶

吉士授簡討歷侍講南國子司業諭德庶子祭

酒以吏部左侍郎兼翰林學士

聖駕臨雍恭紀

二首

乍挹方諸水來湘泮水芹金樞澹華月玉露展蕭辰俎豆三千士都俞十九人公庭看萬舞未許羽衣陳

樸學皋謨古昌言聖主聆硬黃摹獵碣淡墨捧名經胄子齊歡洽真儒足典型自今隆祀典長照簡編青

詩話崇禎十四年八月太學當釋奠思陵有詔再臨辟雍于是罷遣閣臣及分獻官時龍虎山真人張應京適在都疏請入監觀禮尚書蔣公德璟暨王公咸持不可駁回十七日王公奉遣祭夕月壇二鼓始詣國子監十八日卯初刻駕自長安左門出由崇文街至成賢街入廟門兩公導帝升階坐御幄內宮持金餅金甌金鑪者六人天漸明行釋奠禮畢幸彝倫堂祭酒南居仁講書皋陶謨自天敘有典至敬哉有土司業羅大任講易咸卦尋命賜茶文班自行聖公及閣部共一十九人武班三十八人分東西坐帝命禮臣將進士題名碑并石鼓悉摹拓進呈又諭閣臣周程張邵朱六子不當槩置先儒之列乃定議改稱先賢云是舉也蔣公紀之特詳今節錄以證

王公之作

文安之

一首

安之字汝止夷陵人天啓壬戌進士改庶吉士授簡討遷南國子司業歷中允諭德詹事有鐵

菴橐

山居漫興

一江烟雨理漁蓑筍笠長拋首自科薄醉久無中使促夜歸須憚灞陵訶雲連西塞迴青嶂樹繞東流旋綠渦為傍赤磯依舊隱月明堅坐扣舷歌

齊心孝 一首

心孝字君求桐城人天啓壬戌進士改庶吉士

授編修

詩話太史賦詩無多與女郎沙蘭英章文玉定情一物相貽拳拳叩叩宜其為情死也

答女郎沙蘭英貽鴛鴦枕

含情少婦倚銀釭繡罷鴛鴦日滿窓解得世間離別苦故將好鳥織成雙

姚孫榘 三首

孫桀字心甫桐城人天啓壬戌進士知龍游晉

江二縣擢江西道御史謫上林典簿遷吏部主

事歷郎中累遷至尚寶卿有石嶺集

久雨新霽喜殷氏兄弟邀飲

閉門十日陰門外喧屐齒已聞前谿漲更見屬垣圮曜
靈胡匿輝風雨橫如駛暮霞照東隅魚尾差可擬凌晨
下檐楹邂逅逢之子相邀卧甕頭一斗飲未已醉翁意

有在歌者聲且止

車中漫紀

二首

茅店孤燈黯繩牀
旅夢安不知
一夜雪但覺五更寒
際曉山山白因風樹
樹殘憂時誰紀瑞
默坐卷簾看初日照
高樹前山霧始開
怒飈一以發寒氣
轉相催野色遙難即
羈愁莽欲來故人居
不遠去去好銜杯

喬可聘一首

可聘字君徵一字聖任寶應人天啓壬戌進士除中書舍人選授河南道御史有醉陶集

詩話崇禎丁丑侍御巡按浙江既入境屬吏伏
謁道左公首詢先太傅第宅吏以鍾秀坊對旌
蓋闖于藉叢之橋公自巷左舍車徒步百步入
自門升階肅衣冠拜祠下復坦步出巷之右乃
升車鼓吹導以行余總角時目擊其事又六年
武陵唐公紹堯分守嘉湖道入境亦展謁先公
祠則將及門而步入然禮容甚恭于時弟子敬
其先師若是由今觀之正可繕入觚不觚錄也

苦雨

雨喜及時好雲陰竟不開馬牛幾莫辨鷗鷺盡飛來
濕痕多漏沙崩響易哀田園生意盡排悶強持杯

黃宗昌一首

宗昌字長倩即墨人天啓壬戌進士知雄縣調

清苑選授山西道御史

詩話三殿告成論功行賞長倩時官御史上言國家名器盡為闍寺收買腹心之助大行賈天彌留大漸之時何暇出詔此輩直偽官爾詔令指名長倩乃舉黃克纘霍維華呂純如等六十六人以對請盡行削除是亦勇于觸邪者已唐謗五角六張作事不成

七夕結句蓋用此語

七夕有懷

危坐撫佳節蕭蕭但雨聲閨中兒女態天上別離情秋

入玄蟬急年侵白髮生所嗟垂老意張角總無成

吳振纓 一首

振纓字長組歸安人天啟壬戌進士除中書舍人考授廣東道御史有顛石齋詩集

棲賢看梅

萬樹惟一色半山堆白雲鳥啼村不夜香遠客先聞近寺松陰合橫枝澗影分誰家修竹裏簾外亦紛紛

詩話詠物詩最難工而梅尤不易林君復雪後園林幾半樹水邊籬落忽橫枝此為絕唱矣他

如疎影橫斜水清淺暗香浮動月黃昏僅易江
為二字以竹桂為疎暗是妙于點染者餘則蘇
子瞻竹外一枝斜更好高季迪薄暝山家松樹
下亦見映帶之工高續古絕句云舍南舍北雪
猶存山外斜陽不到門一夜冷香清入夢野梅
千樹月明郊可謂傳神好手朱希真詞橫枝清
瘦只如無但空裏疎花數點李易安詞要來小
酌便來休未必明朝風不起皆得此花之神若
朱雍之梅詞黃暉顏之梅花李鄆之梅花衲釋
明本之梅花百詠詩愈多而神愈遠矣侍御棲
賢之作實

獲我心

賢之作實

何萬化

一首

萬化字宗元青浦人天啟壬戌進士授南京兵

部主事歷禮部郎中升福建提學副使轉右參政終廣東按察使

詩話宗元仕閩為制府畫策平劉香入楚同諸
軍協力擒張普薇是亦開濟之才不徒以雕篆
見長

贈別

者

彩鷓銀燈此夜親相看莫惜酒杯頻明朝茅店風霜苦
縱有盈觴不醉人

金肇元一首

肇元字木公一字司杓東陽人天啓壬戌進士
除徽州推官入為工部主事調兵部轉員外出
為江西參議進副使遷福建參政

雨過鳳陽望祖陵

濠右鍾靈地關河迥未窮江迴雙闕北淮繞二陵東古
驛荆榛雨高原燕麥風遙瞻松柏路佳氣鬱青蔥

蕭士瑋

五首

士瑋字伯玉泰和人中萬曆丙辰會試天啟壬

戊賜同進士出身除行人歷吏部郎中有春浮

園集

趙韞退云先生詩以才慧勝出入宋元

客愁

不待秋風起思鄉念已生髮愁今夜白月好故園明孤

客人千里荒城鼓二更停燈沽濁酒屈指數遊程

春日送繆當時被謫南歸

正好留連日翻為惜別人憐君愁對酒作客怕逢春芳草迷歸櫂啼鶯傍逐臣東風如有意莫遣柳條新

滁陽晚行

未黍斜陽路秋風匹馬行古原荒霧白野水暮雲平酒
逐年偏減情因老更生不知今夜月何似故鄉明

寓意

誅茅宜楚地無如廬阜美五步一溪雲十步一溪水
月夜西冷橋

霧鬢鬢烟鬟逐處嬌輕風著面酒初消月明故國三千里

人在西冷第一橋

黃景昉 三首

景昉字太穉，晉江人。天啟乙丑進士，改庶吉士。授編修，歷中允、諭德。庶子升少詹事，以詹事掌翰林院，尋以禮部尚書入直東閣，加太子少保。戶部尚書進文淵閣大學士。

詩話相君務去陳言，專尚新警。其近體尤雕繪如侍楚王宴云：隆準衣冠高帝後，夥頤宮闈大江濱。登太和絕頂云：天野星躔包兩戒，國朝獄瀆視三公。南臺燕集云：仙家閨苑琉璃浦，禹貢揚州篠蕩田。贈友云：少從魯國稱男子，家近茅山得異人。壽樊叟云：公餘穉子燒松液，酒半材。

官舞蘆笙集北郭草堂云誰邀玉珮神仙客自唱清歌菩薩蠻答友云枚叔賦游梁上苑伏生

書重漢西京寄友云以吾一日長乎爾如此三星粲者何要不作沿襲語

未央瓦

客來移璧漢時宮丞相經營想像中武庫不隨蛇劍火
鄴城空貴雀臺銅猶餘龍虎真人氣未蝕蟲蠹累代功
敢向玉池輕點染更無雄句似歌風

何太常悌邀步南郊覩園丘享殿齋宮諸制恭述
皇矣穹窿廣君哉制作殊改絃歎世廟分祀別留都日

練金支秀春回華蓋趨竹宮靈髣髴羽客韻虛無爾栗
三犧用爪華百末敷篆烟颺鬱鬯恩影入珊瑚富媼壇
仍峻高皇座稍隅殿詢公玉帶庭接鬼臾區憶昔陪清
蹕于茲饗大零鳥銜齋饌素沙點布袍烏重許窺閭闈
須知辨濮瀘帝真雲漢主天轉斗牛樞禁地人雍肅祠
官汝敏膚秩從夷典禮倫始契司徒誰獻河東賦空吹
冀北竽戚干容肆雅卿景合賡虞

書事

內家驃括馬驃車火綫葦簾製也疎誰遣圜扉中夜啟
銀鑑又及老尚書

宋 玫 一首

玫字文玉萊陽人天啟乙丑進士知永城杞二
縣事選授吏科給事中歷太常少卿大理太僕
卿轉工部右侍郎家居萊州城破被縛拷掠見
殺

閨思

征人磧裏正思鄉八月看雲送鴈行生小不知門外路
如何飛夢到沙場

陸錫明 一首

錫明字幼輿平湖人天啓乙丑進士除工部主事歷員外郎出知常州府再知徽州府升江西提學副使

白岳太素宮

天遣名山護紫芝泥曾到使臣車石幢隱見宮中線

碧瓦參差帝者居封禪有書非漢時榔梅何地不秦餘
未須泛海尋靈藥水落花開自起予

郭紹儀二首

紹儀字汾仲平湖人天啓乙丑進士除當塗知
縣擢南京湖廣道御史有青蒲草

游仙詩

少室垂三花盈盈秀菌閣我驅一卷石偃蹇卧溪壑輕
陰歛素秋虛篁散紫簾自得枕中祕始知塵外樂容成

采玉芝抱朴煉五藥矯首鴻天長此志欣有託

同官李匡山成寶慈俱以疏劾輔臣被謫感而有

作

花莫眄武陵花酒莫飲烏程酒武陵花豔迷人目烏程
酒甘誘人口李公骨鯁天下奇壯志屹立山勿移此時
朝廷重鈞黨阜囊霜簡無遲疑成公凜凜氣雄發夜漏
沉沉整袍笏漳江學士孤鳳鳴慘澹蒼弘碧流血成公
裂皆那肯平苦諫危辭三伏闕二公名義垂不朽二公

既去儒林覩武陵花鳥程酒花殘酒歇終何有君不見
柳外東風動江樹輕薄紛紛飛作絮莫遣烏啼白下門
予亦飄然拂衣去

李模三首

模字子木太倉州人天啓乙丑進士除東莞知
縣選授雲南道御史以憂歸補浙江道謫南國
子典籍有碧幢集王無異云先生同不失已異
不傷物合乎易所云知進退

存亡而不
失其正者

鬼車謠

鳳皇將九子，雖鳴何秋秋。羽蟲三百六，賦性多令攸。
奈何有怪鳥，一身伏九頭。誰者齧其一灑血聲，啁啾晦冥。
乃潛出四野風不休，人號犬亦吠。滅燭收兒福，同心如
禦寇。懼其少淹留，非徒祓不祥。恨非陽鳥傳遺音，雖遽
已戾氣猶噓咻。是關玄黃戰，豈惟風雨憂。吾聞多見可
此類，安足仇豺狐。並晝嘯前鷄，後鴟鶩。勞勞服不氏，枉
矢焉能讎。誓將叩閭闔桃苑，殉九州。

寒夜有懷

浩浩夜氣長，霜風凜寒衾。
思來乍如髮，繚繞不可尋。
清夢倏飛越，山海何崇深。
孤月懸青松，鶴子多奇音。
戶牖洞開豁，中有綠綺琴。

南思

畦丁忽報韭牙春，對對河鈎入饌新。
笑指蘆根堪續命，不須子細祝厨人。

陸澄原

一首

澄原字嗣端平湖人天啓乙丑進士除工部主事歷員外郎謫順天府照磨遷大理寺副以兵部員外被察閑住有芝房集

詩話思陵初政職方首攻魏崔海內想其風采無難遽躋職仕而乃厭薄門戶不屑附東林其封事略云有市恩修怨舉劾失平者雖東林亦可謂之小人不得以楊左為護身之符有特立獨行恪共厥職者雖非東林不失為君子不得以崔魏為陷人之弔又云臣寧寡援孤立為硜硜之小人決不依草附木為疑似之君子由是見嫉于東林拒之惟恐不力一官蹭蹬被察而歸放浪山水以詩酒自娛斯狂狷之流也詩亦不入鍾譚流派

溪外

短橋隱隱隔清溪
溪外人家更向西
行盡西溪人不見

一林脩竹畫眉啼

葉紹袁一首

紹袁字仲韶吳江人天啟乙丑進士除武學教
授轉國子助教遷工部主事有遷聊集

甲申聞三月十九日之變

衡門薜荔久侵尋
自愧才非抱膝吟
逝水總流千古恨

夕陽空負百年心
蒼生四海同仇切
白髮三春憶主深
七日誰人牆下哭
一回北望一沾襟

熊開元二首

開元字玄年號魚山嘉魚人天啓乙丑進士除
崇明知縣調吳江選授吏科給事中謫山西按
察司簡較遷行人司副以言事廷杖削籍遣戍
晚為僧名正志字檗菴居蘇州之華山有華山

紀勝集

詩話魚山欲劾宜興適思陵許奏事者于弘政
門召對及入見宜興侍側因言軍事而出既而
召見德政殿輔臣亦入乃言曰易傳有云君不
密則失臣臣不密則失身臣所言願輔臣暫退
思陵諭曰輔臣管密勿熊開元前所奏卿等皆
與聞可以不退是日不敢盡言思陵命草疏入
仍有茶果餅餽之賜迨疏入遂被收思陵怒且
不測矣會姜公如農疏有皇上何所見而云然
乎等語怒益甚兩公受杖之苦用刑之慘其不
死者幸也爰書既上思陵一曰讒譖輔弼再曰
讒譖陰狡三曰謗毀狡肆人皆疑思陵曲護宜
興獨尹樞部宣子謂思陵時已恚宜興命魚山
具疏者度必列款欲據之便按問及見疏乃曰
如此不痛不癢思兩邊做好人邪蓋實怒其不
力參而反以誹謗大臣為罪非思陵本意也斯
言得之宣子諱民興亦嘉魚人有菴園集詩務

詭異多牛鬼蛇

神語不足存

鳥道卧獅石

從來入蜀歎崎嶇九折何如此路迂若是香林黑獅子
向前翻擲肯踟蹰

穿雲棧

盡日凝雲谷口封倦還飛鳥亦迷蹤何如近借齊厨鉢
鞭取耕烟白耳龍

詩話華山在吳西偏相傳支道林銷夏之所劉
宋時會稽守張裕舍宅為寺縣志稱南渡乾道

中祕書監張廷傑占為別墅然范致能有華山
寺詩云五湖西岸孤絕處栴檀大士來同住蒙
泉新潔鑑泉明淪茗羹藜甘似乳何須苦問蓮
開未桂子菖花了今古三翁彩筆照青霞從此
他山都不數我今閒行作間客暫借雲窓解包
具魂清骨冷不成眠徹曉跏趺聽粥鼓乾道中
寺未嘗廢張氏別墅乃占斷間田爾魚
山紀勝詩序中仍沿縣志附疏于此

朱治憫

三首

治憫字子暇嘉興人天啓辛酉舉人選授肇慶
通判

詩話子暇宣勞戎務一星卒殞天南生為進表
之劉琨死作思歸之溫序其詩不沿時習磊落

欽奇至賣宅一律悽惻纏
緜菴苑之草心實傷已

麥章闇贈硯

麥君遺我硯采自羚羊峽鸕之鵠之眼審視碧光眩白
如蕉葉萌黑比魚雲壓中有青青花瑣細不可掐山川
蘊精氣匠石變遺法雀斑幾點露鮋血兩邊夾外規直
且平中池淺而狹注茲水一泓三宿尚容歛我來吏端
州判牘日鈎押勞人何草草有時服韁韁頻年硯欲焚
是物不我甲朝來三摩挲貯以琉璃匣他日抽簪回蓬

臚恣賞狎作詩崇禎年月涂歲協洽

胡將軍一青臨陣歌

將軍用槍如擲梭上馬殺賊功最多
馬頭一卒驚鳥過往來拔刃誰敢何
果下之馬山頭坡有時奪取紫橐駝
將軍神勇孰同科除是漢代雙伏波
我書露布盾輦臘磨比田僧超壯士歌

得家報知敝廬已賣歎之

拮据經吾手書來已屬人一身猶長物
四壁委微塵歌

哭今無地琴尊別有鄰庭梅應為我望絕嶺南春

楊文驥

六首

文驥字龍友貴陽人天啓辛酉舉人崇禎中知

永嘉縣事歷官都御史有洵美堂集

邢孟貞云
洵美堂詩

紓徐以導遠篤摯以達情引物連類廣博曼衍
屢出靡涯而源流師法燦然可指
史弱翁云

龍友詩沉澹淵

遠有正始之音

游太湖龍窩

晚色澹將夕探奇出林藪大龍與小龍礪齒震澤口鱗

而簪鬢張哈訥悉諸有落潮洗塗泥寒玉森戶牖淘沙
尋金書人各繫在肘吾欲窮其幽慮為鬼所守肅然袍
笏侍下拜不敢苟豈知層雲根乃勝洞天九

海上作

水驛將三宿茅茨近百家舉鉏刪濕葦迎月伴荒衙燈
下哀汀鴈潮頭漉浦鯰小民方疾走官稅莫紛拏

宿木瀆

竟日秋光冷維舟寄古邨隔橋依榜火晚市辨方言水

已通湖氣沙看露樹根館娃談往事歌舞夢中喧

答陳司理臥子

峻節山陰道魚書過婺州遠人驚異數高論許同舟僻壤蘭為國荒城竹作樓自憐隨去住淮海亦曾留

苦雨

海國重陰合涼颸五月寒淋漓欹枕聽朝暮倚簾看問路空懸屐尋山欲墊冠獨憐黃鳥語終日自緣蠻

夜過練瀆

松風謾謾澗粼粼金鎖曾輝畫角新借問水犀三十萬
何如君子六千人

鄭龍采四首

龍采字聖昭歸安人天啓辛酉舉人婺川知縣
有高寒堂詩集

詩話聖昭雅尚清狂與烏程丁永鑑同舉于鄉
酒分詩情最相親暱丁有為山閣詩大都北里
冶游之作聖昭牽絲入黔謁楚撫何公騰蛟公
欲留為監紀辭曰朝廷命某寧婺川不命參公
軍事也及解組過楚何已殉難既歸祝髮入卞
山不復與聞世事句如長江無六月驟雨不崇

朝明月幾時上歸雲未得閒花飛晴見雪竹密

晝垂陰殘雪重重白歸鴉陣陣圓暗泉蒙澗草

驚鳥落山花寺隨人意改身列上方間戍

荒遲夜柝人定話歸潮非踏襲者所及

小雨復止

小雨公然止車薪水一杯已經三伏盡更得幾時來
鶴尾搖晴樹螢光上濕苔終宵仍不寐傾耳聽殘雷

雪崖禪師向有法雲社約別後十年矣適晤在初

溟津二師于天聖講席出示社中諸作因題

不作陶元亮攢眉為酒杯十年千里外二妙一時來聽

法知三藏瞻雲識五臺何時入林去同看白蓮開

方水檻漫作

竹裏孤烟直溪流釣未歸豆花鋪地白絡緯應時啼半謝荷重發新紅葉漸微避人宜最遠或恐叩柴扉

采松花

美人采松花紛紛落黃雪花落松枝輕當風更搖曳

張次仲七首

次仲字元岵海寧人天啟辛酉舉人有待軒遺

集

詩話先生晚隱郊塵高盡上履二
之節詩有真意不盡規撫古人

月出

微涼今夕好月出正當門岸幘微風至釣簾清露繁客
來宜卜夜吾醉孰留髡軟語勞紅袖頻催碧玉尊

天闕

東風吹大海日夜動孤城若木津難逮乘桴汎有程童
三千徐市士五百田橫料得逢同調援琴移我情

北固山

登臨來北固俯視大江尋鐵甕人烟起焦山水氣深浮
沉天設險來往客何心一塹分南北茫茫自古今

寄陸真如

草綠風翻戶河平水繞邨放船隨近遠隱几度涼溫盆
貼新荷葉腮依老樹根悠然觀化理清興與誰論

屏跡蘇邨漫題屋壁

鹽官城北郭溪東草屋蕭蕭寒雨中瓜架豆棚新築圃

長竿短笠老漁翁提攜小豎敲茶臼勞苦山僧理藥籠
吾老自應耽伏枕人前那敢說冥鴻

詠史

匕首投銅柱金椎中副車吾謀適不遂天意復何如

告徑

告徑路歌危幽人自來去但聞啼鳥聲不識鳥啼處

錢千秋一首

千秋字真長海鹽人天啓辛酉舉人有青崖集

過張王府基

落日張王府春風麥秀齊誰知沼吳士依舊越來溪高皇

帝破吳師
由湖州至

錢嘉徵一首

嘉徵字孚于海鹽人天啓辛酉順天鄉試以國子監生中副榜晚選授松溪知縣還自閩卒于里有松龕剝橐

詩話孚于以秋試留國門首上書論魏忠賢十大罪自漢東京宋南渡諸太學生後久無此風

節矣或勸其勿上孚于忼慨言曰虎狼食人徒手亦當搏之舉朝不言而草莽言之以為忠臣義士之倡雖死何憾自是言者相繼而起元惡乃除信豪傑之士也

福州口號

杜牧三生憶舊遊珠簾遮住一層樓此間真色無梳洗蕙箭開時插滿頭

董守諭一首

守諭字次公鄞縣人天啟甲子舉人有董次公

集

詩話次公于詩不屑寄
人蘿下然與風雅尚遠

憶妻子柔

與君隔山川邈然託素臆靜言想德容淵致若不測宛
然河汾生論文篤悃幅使我飢渴懷如飽秋稼穡斯文
儻我期願言求懿德

鉏用登

一首

用登字百穀秀水人天啟甲子舉人

小園初成陳仲醇過

版築登登罷圖書處處遷茅柴過橋酒燈火到門船竹
徒上番雨荷開半兩錢醉吟無不可為我拂朋箋

沈弘度 一首

弘度字公雅桐鄉人天啟甲子舉人有五願齋
集容餘軒橐畏吟小草

憶北園

頗憶衡門下幽居有北園覆檐新竹嫩滿地刺梅繁好
友時來過清琴每自援齊民有要術試驗老農言

池顯方 一首

顯方字直夫同安人天啟甲子舉人

西湖

暮靄朝烟色轉濃微茫不辨是何峰堤花半上春人鬢
湖水長留昨日容逐粒禽魚爭一隊同舟男女坐雙重
南朝歌舞沉荒草愁聽黃昏兩岸鐘

譚元春 二首

元春字友夏景陵人天啟丁卯舉鄉試第一有

譚子詩歸

張文寺云伯敬入中郎之室而思別出奇以其道易天下多見其不知量

也友夏別出蹊徑特為雕刻要其才情不奇故失之纖學問不厚故失之陋性靈不貴故失之鬼風雅不道故失之鄙一言以蔽之總之不讀書之病也

詩話鍾譚並起伯敬揚歷仕塗湖海之聲氣猶未廣藉友夏應和派乃盛行詩歸既出紙貴一時正如摩登伽女之淫咒聞者皆為所攝正聲微茫蝴蝶鳴鏤肝鉢腎幾欲走入醋甕遁入藕絲充其意不讀一卷書便可臻于作者此先文恪斥為亡國之音也桐鄉錢麟翔仲遠友于友夏恒言詩歸本非鍾譚二子評選乃景陵諸生某假託為之鍾初見之怒將言于學使除其名既而家傳戶習遂不復言云

讀曲歌

交歡久貝齒有時落歡獨長在口

得蜀中故人書

蜀川兵定人靜老友天寒信來莫怪草堂深閉小橋邊

有門開

吳有涯 一首

有涯字茂申吳江人天啟丁卯舉人崇禎中署
金壇教諭遷平陽知縣晚為僧隱鄧尉山

送張向之之京口

張子頭多白，隆冬獨往還。
辭家一束被，踏葉萬重山。
天末兵方擾，雲中詩自刪。
攜筇更何處，笑別向昭關。

張永禎 一首

永禎字仲燦，順天人。天啟丁卯舉人。

薊州道中

匹馬漁陽道，休嗟行路難。
霜林無定葉，秋水有餘寒。
白鴈飛初下，明霞落未殘。
盤山凝望裏，烟外出層巒。

胡振芳 一首

振芳字來子秀水人天啟丁卯舉人選授漢陽

知縣

歸里後碧漪坊黃氏要主童子塾

自返牆東宅何曾竈突黔已無五斗米笑脫兩韁襪旅
夢安蕉鹿浮名上竹鮎從今免園冊一任老夫潛

明詩綜卷七十一